



Bosna i Hercegovina
Federacija Bosne i Hercegovine
Kanton Sarajevo - Grad Sarajevo
OPĆINA CENTAR SARAJEVO
Općinski načelnik

Na osnovu čl. 25. i 74. Statuta Općine Centar Sarajevo – prečišćen tekst („Službene novine Kantona Sarajevo“, broj: 23/04) i člana 3. Pravilnika o nagrađivanju uspješnih mladih pojedinaca sa područja općine Centar Sarajevo broj: 09/C-38-1381/19 od 30.12.2019. godine, Općinski načelnik upućuje

JAVNI POZIV

za dodjelu sredstava iz granta za nagrađivanje mladih uspješnih pojedinaca sa područja općine Centar Sarajevo

1. PRAVO NA DODJELU SREDSTAVA MOŽE OSTVARITI:

Pojedinac koji je iz oblasti obrazovanja, nauke, kulture ili sporta osvojio jedno od prva tri mjesta na kantonalnom, federalnom, državnom, evropskom ili svjetskom takmičenju uz ispunjavanje sljedećih uslova:

- a) da je državljanin Bosne i Hercegovine;
- b) da ima prebivalište na području općine Centar Sarajevo;
- c) da je starosne dobi od 15 do 35 godina.

2. NAČIN DODJELE NOVČANIH SREDSTAVA

Novčana sredstva za nagrađivanje uspješnih mladih pojedinaca sa područja općine Centar Sarajevo dodijelit će se za rezultat ostvaren u tekućoj kalendarskoj godini. Podnosilac zahtjeva može aplicirati dva puta u toku kalendarske godine, a na osnovu dva rezultata ostvarena na različitim nivoima takmičenja.

Visina novčane nagrade utvrdit će se na osnovu nivoa takmičenja i ostvarenog rezultata na istom, i to kako slijedi:

- a) *Kantonalno takmičenje*
 - I mjesto: 200,00 KM; II mjesto: 100,00 KM; III mjesto: 50,00 KM
- b) *Federalno takmičenje*
 - I mjesto: 400,00 KM; II mjesto: 300,00 KM; III mjesto: 200,00 KM
- c) *Državno takmičenje*
 - I mjesto: 600,00 KM; II mjesto: 500,00 KM; III mjesto: 400,00 KM
- d) *Evropsko takmičenje*
 - I mjesto: 800,00 KM; II mjesto: 700,00 KM; III mjesto: 600,00 KM
- e) *Svjetsko takmičenje*
 - I mjesto: 1000,00 KM; II mjesto: 900,00 KM; III mjesto: 800,00 KM

3. POTREBNA DOKUMENTACIJA

Podnosioci zahtjeva na Javni poziv obavezni su dostaviti slijedeće dokumente (original ili ovjerene kopije):

- a) CIPS prijavu o mjestu prebivališta lica koje je ostvarilo rezultat na takmičenju (ne starija od 6 mjeseci);
- b) dokaz ili potvrdu o ostvarenom rezultatu na kantonalnom, federalnom, državnom, evropskom ili svjetskom takmičenju u tekućoj kalendarskoj godini.

Zahtjev sa dokumentacijom se podnosi Službi za boračko-invalidsku, socijalnu zaštitu i društvene djelatnosti – Odsjek za društvene djelatnosti putem pošte ili na protokol Općine Centar Sarajevo ulica Mis Irbina 1.

Za sve dodatne informacije zainteresovana lica mogu pozvati broj telefona 033/562-474.

Javni poziv će biti otvoren tokom cijele 2020. godine, odnosno do utroška sredstava za ovu namjenu.